

20150.127
36
=4

輝縣志

卷九

卷八

第肆册

輝縣知縣黔鏡周際華

渠田志

泉源

百泉在縣西北七里為衛水之源引以灌田其利甚溥

日縣西南南雲門流入新鄉界隗村管歸於丹河

蓮花泉在縣西五里其源發於小營由中曠南合萬泉

至南雲門流入衛河灌田十餘頃計長十里

卓水泉在縣西八里其源發於卓水村由分水橋九聖

營南流合萬泉至南雲門入衛河計長十四里

萬泉發源於卓水村西由朱家橋九聖營南流合卓水

輝縣志

卷七

渠田

泉源

一

泉由北雲門中曠南流合蓮花泉至南雲門入衛河計長十四里

白沙泉在萬泉東河憲嵇公開大之與萬泉合而為一

同入衛河

清暉泉在縣西十里為分巡河北道馬駮雲守衛時所

鑿灌田十餘頃邑人築亭立石總河王士俊顏之曰清

暉並為之記

丁公泉在縣西五十餘里由王家海王武莊葦園橋孟

澗胡村至北流橋東南歸於丹河計長四十一里

張泉在張泉河村東下流與丁公泉合

焦泉在縣西六十里發源於焦泉營與丁公泉張泉合

而爲一卽北流河之上源下入丹河計長五十二里
清濂泉在縣西南四十里南流村繞村南流折而東注
與北流河會

清水泉卽梅竹泉在縣西南六十里其泉發源於山陽
村由魯家莊李千戶營母猪營蔣家莊南流至豐城經
獲嘉縣界歸入丹河寬五六尺深三四尺不等灌田數
十頃計長四十里

重泉在縣西南六十里其源發於魯家莊由重泉村李
千戶營裴村營肖呂村南流合清水泉至豐城入獲嘉
縣界歸入丹河寬五六尺深二三尺不等計長四十一
里

輝縣志

卷七

渠田

泉源

河渠

二

黃龍泉在褚邱東北一里許下流經姚村聶家橋孟滄
等村灌田三十餘頃至胡村店橋西入北流河

崔華採訪

龍頭泉在縣西南七十里王展村南灌田十餘頃

李蔭桑採訪

河渠

衛河卽百泉之水自縣西南南流至新鄉縣合河鎮入
丹河河寬七八尺至一丈不等深五六尺不等康熙三
十年巡撫閻興邦題准於每年三月初一日起至五月
十五日止令三日放水濟運一日塞口灌田但五月餘
民間需水之時應用竹絡裝石堵口使大流濟運餘水
灌田旣以濟漕亦無妨於農業雍正五年侍郎河圖

條陳輝縣五閘偷水漕田有防逆道奏准拆去五閘在
河源高處建立三斗門聽水分流中斗門水用以濟漕
兩旁斗門共分一半另於大河兩岸各開小河建立小
閘灌田奉

旨同御史劉 總河嵇 總督田在百泉清暉閣上宣

旨五閘之民咸集因聞拆去舊閘等語眾百姓同聲稟曰河身
低下兩岸甚高雖以斗門分水而大水奔趨河身兩岸
之水將隨之俱下雖另建十閘終歸無益康熙年間會
奉

恩旨衛水濟漕兼不悞民田灌溉懇乞大人詳察田大人細問
百姓齊應聲曰種一畝地納三畝地糧本爲水田膏腴

輝縣志

卷七 渠田 河渠

三

多有出息今禁阻不許用水顆粒無收民命安能存活
今所云拆去五閘另於兩岸別建十閘但兩岸俱在高
處無論兩旁小斗門之水不能分往邊河縱有涓滴而
水性就下亦終滲漏於大河恐徒耗帑金君民兩受其
害大人爲國爲民乞爲小民陳奏下情將稻田減去重
賦情愿仍種旱田誰肯捐生偷水兼可省此帑金田大
人對同列云予向亦疑百姓偷水之非誰知民間有如此
此苦願謂

疏奏此五閘似不宜重拆俟小閘建就再行酌奪及其落成至
然無水故舊閘得以仍存

〔三渡河〕在縣西五里卽百泉之支流也昔人引水以灌

稻田仍入衛河

峪河繞縣南境計長七十里其源發於山西省流入輝境至峪河口內滙爲三潭一名黑龍一名白龍一名二女三潭下流由老孟莊王敬屯卧狼岡趙宿屯包公廟大屯通濟橋張家莊入獲嘉縣界歸入丹河水清而迅遇旱則壅以灌田但秋夏山水暴發河不能容往往有漲溢之害

〔北流河〕卽焦泉張泉丁公泉之合流水渾而多沙灌稻田數十頃秋夏山水暴發武夷口鳴子口之水併入其中往往泛溢

輝縣志

卷七

渠田 河渠

四

〔溫玉河〕在縣西南七里河久淤塞秋夏水暴發民田衝沒明知縣聶良杞躬爲相度自胡家橋至劉家莊約七里許開地百餘頃

〔老扁坡渠〕在縣西南十五里地可種稻舊未有引水之渠卽旱地亦鮮有秋萬歷戊寅知縣聶良杞爲之經畫自姚固村枯河至苗固村創開河渠一道水通石河磨仍歸枯河灌田十餘頃

〔花木村渠〕在老扁坡東舊有渠接姚固村枯河亦通九聖營河積年淤塞爲患萬歷戊寅知縣聶良杞編夫疏濬約十餘里灌田十餘頃

〔秀才莊新渠〕在縣南二十五里與姬家寨宋家灘穆家莊凡城相連地本窪下秋水爲災荒蕪彌望萬歷戊寅

知縣聶良杞編夫給食創開新渠一道約十餘里引水入新鄉界歸於丹河計墾荒地百餘頃

魯家莊渠在縣西南七十里地衝關家河口歲有水患萬曆戊寅知縣聶良杞挑渠立閘引水灌田十餘頃程村渠在縣西南五十里地多沮洳比歲不登萬歷丙子知縣聶良杞捐廉開渠縱橫凡五以疏洩之遂成良田百姓德之呼爲聶公渠亦若蘓堤云

洩水溝在縣東南自玉門關迤西稻田邊起東至新鄉縣交界大路口止長一千六百一丈寬三尺深六尺雍正七年知縣張鏐疏鑿

隄堰

輝縣志

卷七

渠田

河渠

隄堰

五

斗門在馬家橋下卽仁字閘西邊雍正五年侍郎何國琮奏准在百泉河源高處建立三斗門中深一丈一尺闊一丈六尺以濟漕旁深一丈五寸東濶五尺四寸西闊四尺五寸以溉田聽水分流復各建石岸防水洩漏馬家橋上閘在縣西北五里百泉之南嘉靖乙巳知縣郭淳創建大梁李濂有記今更名仁字閘

馬家橋下閘在上閘南嘉靖辛亥分守參議敖宗慶建今更名義字閘

張家灣閘在縣西南二里參議敖公建萬歷癸酉知縣張一通重修邑人李容莊有記今更名禮字閘

稻田所開在縣西南五里嘉靖辛亥參議敖公建今更

名智字開 以上二開萬歷七年知縣聶良杞重修
裴家開在縣西南十里嘉靖乙未巡撫章煥建萬歷十
四年知縣盧大中重修今更名信字開

按衛水發源蕪門山麓下趨最易瀕水之田屢患湮沒
自知縣郭淳始建上開而分守少參敖公巡撫都御史
章公復建四開壅水分出藝以秔稻蓋自是而邑之荒
蕪闕水利與地無沮洳之患民免賠糧之苦矣明萬歷
戊寅知縣聶良杞復慮五開修理無法反於漕政有妨
乃建立條格刻石闌上遵奉戶部議單以時啟閉庶幾
官民兩便萬世可行四公之惠至今謳思不忘云
附錄復興水利咨詳文卷

輝縣志

卷七

渠田 隄堰

六

衛輝府輝縣知縣滑彬爲

聖慮憂民甚切殘黎痛苦難申幸逢九鼎垂慈永戴萬年鴻庇

事康熙二十八年七月二十三日據本縣士民段上錦

雷發師等呈前事到縣據此該卑職看得輝縣沿糊刀

泉一帶水田自奉封板以來闔邑士民坐視膏腴之產

盡爲石田莫不輟耕嘆息幸蒙老大人軫念民瘼曲體

皇上愛恤窮黎之至意隨荷轉詳大老爺懇切詳盡業允定期

試驗水勢務須漕運民田兩無違礙萬姓歡騰不啻起

骨而肉之矣但去冬詳請之後卽遊備允迄今尚未

議本年仍屬拋荒今時屆深秋播麥之時又值漕運

空之際倘不早爲請命則來年之種植難施人心已

是以士民段上錦等復有此呈請也伏望老大人垂救
民生速賜轉詳總河大老爺卽檄東昌河廳定期試驗
水勢果一滋之泉無闕漕運之通塞五日之內得邀一
日放水救田則一邑士民之殘喘皆老大人有以生全
之也世沐高厚之仁焚頂當無旣矣須至申者 奉本
府胡 併河糧廳曹 俱批仰候轉詳繳 蒙河道俞
批已批令衛河廳再行訂期探驗矣仍候河撫兩院批
行繳 蒙巡撫都察院閻 批仰候另咨總河部院檄
行東昌河廳遵照前咨緣由試驗詳奪仍候總河部院
批示錄報繳 隨蒙總河部院王 批昨准撫院咨文
現在檄飭訂期會勘試驗矣仰照另檄速行勘議通詳

輝縣志

卷七

渠田 隄堰

七

報奪繳

河道俞森詳文 看得水之爲利上以濟漕下以灌田
誠足

國裕民之要務也第五六七月間田禾望澤糧艘盛行俱
屬需水之候使雨暘時若田旣霑足河亦無乾涸之虞
倘時雨不降泉流微細河旣淺阻而禾亦枯槁當此之
時濟漕灌田殆難兼善然就已成之法斟酌而變通之
又未嘗不交相利也如彰德府安陽縣引洹水而成萬
金渠衛輝府輝縣藉朔刀泉而建五閘自康熙二十三
年以前但資水以灌田而漕之通塞勿計也自康熙二
十五年前河憲靳 以衛河水勢微弱繕疏人告旋

河撫兩憲會議於每年五六月之間萬金之渠封閉而水不許入掘刀之間啟板而水不許蓄其利全歸之漕此亦足

國之計勢不得不然也行之數年而前院諮訪利弊各該府縣詳請欲於此三月塞渠封板之時每於五日之中少寬一日之禁誠以此三月中田禾需水若無水則無禾無禾則無賦民習於昔年之成規故有司不得不詳請而通融之耳蒙憲批查屢行詳覆 撫憲咨商憲臺茲復蒙憲臺檄行查洹水之源起於何處寬深幾許掘刀泉之水是否不藉漕運仰見憲臺體

國勤民欲爲漕運民生圖兩利之計也隨卽遵行兩府確

輝縣志

卷七

渠田 隄堰

八

查茲據各覆前來則洹水之源起於彰德府安陽縣之善應村北行又有珍珠泉合之又北行共長九十里而入衛河此洹水之本來也安陽爲附郭之邑由高平村引洹水入渠名爲萬金渠而洹水之入衛者寬三丈深三尺其流仍盛卽此渠灌田而繞行郡城仍流入洹水同歸衛河是則洹水本盛不因入渠而衰且由渠仍入於洹又非別爲一流而奪洹正派也輝縣之掘刀泉發源於蘓門山麓從地星泛其脈甚細滙爲一池潦不溢而旱亦不絕民田資其灌溉爲水無多故建五閘以蓄之至其下行三十里至合河鎮有丹河來會其流始大至於衛輝是名衛河衛河至淇縣而有淇水合之又至

彰德而有洹水合之故能迂迴曲折達於臨清是則衛河固藉丹淇河水而始盛掘刀之泉將衛河一勺灌田有餘而濟漕不足也兩水之大概奉查如此惟是二十五年奉行以來封板塞渠以濟漕運而渠泉兩旁民田雖遇亢旱未將立槁不敢輕用此水但在漕言漕則漕爲重足

國之謀不容輕變而民田無收賦將焉出則灌田之策亦不可忽所以權其大勢酌以兩全惟令安陽之渠封板如故而但於四日之後啟板一日掘刀五開啟板如故而但於四日之後下板一日合四日之水以濟漕而資一日之水以灌田糧艘疏通民田沾溉

輝縣志

卷七

渠田 隄堰

九

皇上衛水濟漕兼不悞民田灌漑之

恩綸有合至於按期啟閉之餘或有私行作弊致悞漕運者嚴查指參究處則裕

國是民之道得而憲恩與此水長留天地矣本道遵奉確查既據兩府申詳未敢擅便理合備叙并同河圖粘連原牌呈送恭候憲裁

巡撫都察院閣典邦咨文 據輝縣詳請更番驗試掘

刀泉等因相應咨會貴部院賜檄東昌河廳知會各該府縣確驗定議據實通詳仍祈賜復施行

總河部院王新命咨文 照輝縣掘刀泉五開之水完

經本部院於四月內接准大行皇帝旨即飭行管河道彰衛
二府安輝二縣遵照親勘更番驗試一面移覆貴院在
案嗣據輝縣詳稱應俟糧艘回空試驗隨經本部院批
令如詳俟糧艘回空試驗在案今准前因除檄飭東河
通判弁該道府縣一體遵照速行會勘更番驗試妥議
通詳貴院暨本部院會核外照准前因相應咨覆煩貴
院希即檄飭管河道並彰衛二府安輝二縣一體遵照
施行

山東東昌府河廳隨遵河院憲檄知會於十月十五日
爲始每五日內放板濟漕四日閉板灌田一日更番二
次據東河廳回詳看得河南之掘刀泉萬金渠爲濟漕

輝縣志

卷七

渠田 隄堰

十

之血脈大約水勢少長之日應即放水濟漕之四日消
落之日應即遏流灌田之一日等語衛輝府輝縣知縣
滑彬再詳爲

聖慮憂民甚切等事前奉大老爺諭令會同東昌河廳於衛河

出口處所探量水勢深淺隨令本縣典史何鎮往驗去
後據報於衛河交會處所探驗更番三次所報水勢尺
寸雖少有異同二三寸不等不過嚴冬水涸日有參差
考其時日並不關起閘之日而加深閉閘之日而即淺
則掘刀泉一線之水無礙起漕之車輕可知而東昌河
廳並不會同一處探量四百里濟漕州州判許光熙稱在
南水門外另自私自探驗爲請事關漕道起見自應遵

奉大老爺於衛河交會糧艘通行之處細加詳勘方爲有據若南水門外多係淤泥瓦礫在平時亦無不淺阻者何足憑準且據所報逐日水勢從無差至尺許者何以獨南水門外竟差至尺許之多其間未便可信今止據衛河出口處所所報淺深原非關於泉閘之啟閉現有報文可查如東昌河廳之詳覆全無一定內稱大約水少長之日想卽放水濟漕之四日消落之日想卽過流漕田之一日等語前奉大老爺牌諭務須持公速勘悉心遵行慎勿偏執已見游移混復之憲諭今乃不實據探量之尺寸與啟閉之時日而爲模糊揣度之詞偏執意見而反爲斷斷之說恐民生國計之重未便以大重負大老爺爲

國爲民與憲諭內所云酌改變通之至意矣况卑職亦

朝廷之一命豈有不思漕運所關而漫爲舉動但五日之內止留一日之水無悞運道有益民田兩利俱存當亦憲

仁所不惜爲民生請命者也今蒙牌諭會同妥議速詳

茲東昌河廳業經詳覆在案爲此遵照議復伏候憲示

施行 蒙巡撫都察院閣 批仰候一併移咨總河部

院會奪繳 蒙總河部院王 批本部院親勘臨清水

勢業經專差濟寧衛守備李又隆親詣輝縣之四刀泉

五閘安陽之萬金渠驗看水勢在案矣仰該官體明

詳覆至日核奪繼 蒙河道俞 覆詳查看得彰屬安
陽之萬金渠及衛屬輝縣之捌刀泉其水道形勢與民
田需水情由備具前詳已蒙憲臺洞悉民艱矣止以前
撫憲咨據河北道議稱河北地方惟苦春旱伏秋間淫
雨澆旬不慮無水卽萬一愆期亦可穀豆半收不比南
方專種稻田月月用雨等語今詳稱五六月之間民
田正需用水與前咨大相逕庭復行駁議務期有益於
田無悞於運且與原 題不悖仰見憲臺審慎周詳爲
國爲民至意遵卽行彰衛二府妥議茲據各覆前來查前
次河北道所議原從濟漕起見又適當伏秋多雨之年
故稱淫雨澆旬不慮無水萬一愆期亦可穀豆半收且

輝縣志

卷七

渠田 隄堰

三

止從北方播種之大勢而言故稱不比南方專種稻田
月月用水也然使年年伏秋盡皆淫雨澆旬近水之地
並無播種稻田則亦何敢輕議通融乃今據兩府所詳
皆稱連年以來五六月之間天多亢旱霖雨全無對
此泉流不敢溉灌禾苗枯槁無救難望半收而衛輝又
稱捌刀泉旁之田原倣江南開墾種稻糧倍尋常自禁
水後無水旣不便種稻低窪又不宜豆穀年年包賠重
糧爲此詳請通融四日濟漕一日灌田庶旱乾可保無
虞是則前此所議止就多雨之天道而論今茲所詳並
從亢旱之受累而言實非逕庭乃以補前議之未逮耳
况使今日而必欲渠不塞板不封則是止求益民無補

漕運誠與原 題有悖今兩府所議止望俯允前詳於
此五六月之中四日濟漕一日灌田是田有益而運
無悞并無更改前例與原 題無悖不過少爲通融而
於
國計民生均利伏乞憲臺妥酌咨明行令遵守爲蒼黎遠
福無疆矣 蒙河南巡撫閻 仰候移咨總河部院檄
行東昌河廳遵照前咨緣由試驗詳奪仍候總河部院
批示錄報繳 蒙總河部院王 批昨准撫院咨文現
在檄飭訂期會勘驗試矣仰照另檄速行勘議通詳報
奪繳

河道俞森詳辯衛河水勢爲

輝縣志

卷七

渠田 隄堰

志

聖慮憂民甚切殘黎痛苦難伸等事康熙二十九年正月十五
日蒙 總河部院王 批據本道呈詳濟運灌田緣由
蒙批封閉閘板事關具 題之案未便各執已見今本
部院擬於二月初旬前往臨濟親行看驗俟看畢委員
協同各該廳縣驗試定奪仍候撫院批示并飭知各廳
縣遵照仍候轉飭東河廳檄等因詳批到道蒙此隨轉
飭彰衛二府廳縣遵照去後今於本年二月初三日據
東昌府河廳呈前事呈稱康熙二十八年十二月二十
二日蒙巡理河道加四級俞 憲票云云等因蒙此又
據臨清州知州詳稱云云等情到職據此該卑職查看
得河南之掘刀泉萬金渠等流爲東省濟漕之脈也

蒙議四日濟漕一日灌田兩者均關

國計民生轉移通融誠各憲爲

國爲民至意今遵憲行於十五日之內更番探驗大約水勢少長之日想卽放水濟漕之四日消落之日卽退渾灌田之一日也然四日之內水勢卽長亦不過三四寸而一日之中消涸幾及尺許由更番試驗之水推之則衛水一日閉塞卽淺阻數日濟運斷斷然也且查往例以五月初一日之後全流濟漕邇年三四月間因漕船雲集水勢微弱籲請各憲冀破成例借水輪漕卽衛水全流北注猶以微細阻滯爲憂今若遵四日一日之議則數千餘艘漕運必因退流羈阻定不能按期飛渡矣

輝縣志

卷七

渠田 隄堰

古

事關漕運重大職係專司不得不將水勢利弊據實詳請等情於康熙二十八年十一月初八日通詳總河部院河南撫院并關會彰衛二府廳在案今蒙前因擬合呈報等情到道據此該本道查看得濟漕灌田一案昔年欽奉

聖旨便有通道民田均關緊要何以使衛水濟漕兼不悞民田灌溉等語憲臺欽奉前

旨所以去年有協探水勢之行奉行者自當仰體愛民盛心庶於煌煌

天語無所違悖乃東昌管河魯通判去年所報謂豫省委員不肯向南水門外驗探以爲南水門外係衛河出口之處

探驗足憑及本道就所報衛河水勢與豫省委員所報
水勢逐日比對則衛河水淺之日運河反深衛河水深
之日運河反淺可知衛河出口之消長無關運河之淺
深本道於去歲已經詳明憲臺毋庸另贅今查該廳文
內又謂四日之內水勢卽長亦不過三四寸而一日之
中消涸尺許等語去年未據該廳詳到故未辯及此今
敢爲憲臺陳之查該廳所報南水門外十九日二尺五
寸二十四日二尺五寸二十九日二尺四寸此三日者
乃該廳所謂消落之日也然惟有十八日三尺五寸十
九日二尺五寸此誠消長一尺矣其後如二十三日三
尺二寸二十四日二尺五寸二十八日三尺而二十九

輝縣志

卷七

渠田 隄堰

五

日二尺四寸此可謂消涸尺許乎至若十九日二尺五
寸二十日便長至三尺二十四日二尺五寸二十五日
便長三尺二寸二十九日二尺四寸三十日便長三尺
六寸此可謂水勢卽長亦不過三四寸乎所報尺寸自
相矛盾其背謬也明矣其實酌定水勢必以衛河出口
之數與運河深淺之數按日查比是日也衛河淺運河
亦從而淺衛河深運河亦從而深則信乎羈阻漕船萬
無可通融灌田之理今查所謂消落之三日如十九日
衛河出口二尺五寸而南灣與臨清板閘口皆四尺四
寸二十四日衛河出口二尺五寸而南灣臨清板閘口
皆三尺四寸二十九日衛河出口二尺四寸而南灣四

尺臨清板開口四尺可謂衛河之消長有關於運河之深淺乎可謂衛流一日閉開卽羈阻數日漕運乎總之該廳未詳水勢未思至理其意止知重漕而不知上憲何嘗不重漕惟重漕之中而兼恤民正以仰符

天語不似該廳徒因漕而病隣也且試思衛水盡放始可通漕則衛水多一寸而運河亦多一寸衛水多一尺而運河亦多一尺何以衛深而運淺衛淺而運反深耶此其病非東省運道淤壅卽下流之開座全無若不於此思久長切當之計而惟欲盡放衛河是以豫省有用之水消歸無用之地此亦堪爲深惜者也今幸憲臺洞悉民艱忘其威重躬臨驗勘溯其源流酌其形勢而斟酌通融於濟漕之中兼爲灌田之策豫省窮民沾憲澤而戴

輝縣志

卷七

渠田 隄堰

六

皇恩有日矣惟恐東省河官意見未化止知濟漕曲說求勝故

復就該廳申報細爲詳辯仰竇憲聰事關漕運民田務求兩利本道未敢擅便伏候憲裁 蒙巡撫都察院閣

批仰候總河部院會奪具題該道仍催彰衛二府速詳報繳 又蒙批縣詳仰管河道卽將輝縣擲刀泉封板

濟漕四日閉板灌田一日旣經會同更番試驗二次報有逐日水勢尺寸但其河道是否深通無悞漕運有裨

民田作速遵照前批三日內確議通詳立等移咨會奪毋得玩延仍候總河部院批示繳 蒙總河部院王

批封閉閘板事關具題之案未便各執已見人

擬於二月初旬前往臨清親行看驗俟看畢委員協同各該廳縣驗試定奪仍候撫部院批示並飭知各廳縣遵照仍候轉飭東河廳繳 又蒙批縣詳該縣申同前事仰管河道遵照本部院批示該道詳內緣由轉飭該縣遵照繳

雲門堰在縣西南十五里雲門社當衛水下流地本卑濕舊有稻田歲久溝塍湮廢每遇秋淋禾盡湮沒嘉靖甲申知縣許瑄乃疏浚溪渠導萬泉之水自九聖營引入其地悉復故跡遂成沃壤教諭金廷貴有記乾隆五十八年知縣高上桂因秀才莊北雲門二村爭水灌田經上憲委員會勘立定章程刊刻碑記永杜爭端道光六年知縣周際華督率二村夫力重疏之泉水暢流爭控遂止立有碑記

輝縣志

卷七

渠田 隄堰

七

稻田所堰自百泉之西分流南注爲三渡河下至雲門約十五里皆昔秔稻地後爲澤潦淤塞漸至荒廢嘉靖乙巳知縣郭淳相度原隄經畫修復渠廣一丈深半之詳見李濂記

沙堰在縣西十餘里善明村西引筠谿之水以資灌溉土疏水猛歲歲築之民雖賴其利而爲力甚勞萬歷十四年知縣盧大中創易以石

土堰在縣西五十里丁公泉之下流王家海王武莊明家崗壅水以灌稻田

〔紅石堰〕在縣西七十里峪河口向遇山水暴發湮沒民田道光十二年知縣周際華倡修石堰峪河諸村得以無害

河夫

百泉河夫現存七十二名每名得地六十頃每頃銀六分俱係民收並非官發工食雍正十一年知縣趙仔敦九路通詳各憲有案碑在東司都龍王廟前

附錄詳文及蠲免永免碑記

輝縣知縣趙仔敦 爲詳明事雍正十二年二月初五日蒙本府票二月初二日蒙河北分守道票正月二十

五日准布政司咨正月十二日 蒙總督河南山東等

輝縣志

卷七

渠田 河夫

六

處地方軍務督理營田兼理河道兵部右侍郎兼都察院右副都御史紀錄八次王 批據前司會呈查得輝縣百泉河夫並看閘夫役應給工食銀兩一案詳蒙本部院批飭令該縣議定成規明白通詳等因茲行據輝縣知縣趙仔敦覆稱會同合邑士民將地畝通盤核算共計旱地四千四百一十頃零水地一百三十二頃零令旱地八戶出給河夫工食水地之家出給閘夫工食在水地全資灌溉閘夫工食既倍於河夫應免其再出河夫銀兩旱地每頃出銀六分按河夫七十一名核算每名每年應給工食三兩七錢水地每頃出銀三錢按閘夫五名核算每名每年應給工食銀七兩九錢各地

戶內有情願自充河夫者聽其本身供役不聽差
出銀僱夫百泉之水上關濟運下灌民田每年浚淤刈
草使水暢流利涉執役之日甚多非可臨時僱頁應長
養爲便等情由衛輝府轉詳前來本司道覆核無異相
應會詳轉報伏候本部院鑒奪批示等情蒙批如詳轉
飭遵照勒石永遵不許額外稍有私派擾累如違詳究
取碑摹送查仍候總河部院批示另冊候移撫部院衙
門備案繳等因批司咨道行府轉行到縣蒙此又於雍
正十二年二月十五日蒙本府票二月十一日蒙河南
布政使司票二月初四日蒙總督河南山東河道提督
軍務都察院僉都御史加二級紀錄十次朱批前司

輝縣志

卷七

渠田 河夫

九

會呈前事蒙批仰候 部院批示飭遵具報繳等因俱
批到司行府轉行到縣蒙此除卽勒石百泉永禁並將
碑摹具文徑送督部院撫部院總河部院布政司河北
道備查外合將遵照緣由備勒永誌不忘雍正十二年
三月

蠲豁黃河夫役碑 康熙元年二月二十八日蒙本府
信票爲緊急險工刻難遲緩事蒙管河道荆憲票蒙總
河部院朱憲票前事備行到府票仰本縣官吏照票備
蒙憲票內事理文到刻下卽將該縣夫數分爲三分火
速先解二分並具該縣河夫內不敢隱匿逃人甘結一
樣二本無分兩夜差人解府轉道批發各工立等備祭

應用先將夫役起工日期呈報府立等報道轉報如
敢再遲除經承嚴拿解究外卽指名揭報定以遲誤

欽工參處決不稍寬須稟衛輝府輝縣知縣爲懇恩詳豁河夫
以滋濟運以起重累事據開縣民王可聘等稟前事又
據本縣儒學廩增附生員馬之奇等連名合請爲懇乞
天恩垂憐重苦以救殘黎事該輝縣知縣趙蔭奇看得
輝縣百泉乃衛河之源也每歲春初力爲挑濬自源頭
而抵交界約有四十餘里兩河隄岸冲决者修築完固
壅澁者挑挖疏通更苦夏秋陡雨山水冲於泉源壅塞
勢必再爲挑濬何敢稍緩片時每年需用夫役不下數
千今年倍甚並無額設錢糧亦無鄰封協濟盡屬一邑

輝縣志

卷七

渠田 河夫

三

民力今二月十五日業已開工漕艘刻期北上需水濟
運正在斯時亦係軍國重務遵蒙憲檄派出河夫里老
鄉民故有此控但黃河夫役原有分土工價未嘗虧苦
於民合無將此工價就近覓工惟容輝縣里夫專力衛
源挑濬均是

朝廷之赤子並爲漕運之要工伏乞憲臺軫念殘疲俯賜同
仁准從恩豁庶力役之徵無重困而漕河之賴有專工
矣緣係懇恩詳豁河夫事理應否出自上裁非卑職所
敢擅專也等情申詳到府備申本道轉詳總河部院未
蒙批該縣原有泉河工程人夫姑准留役此外是否不
致比例混請豁免卽行該府取具甘結報院速速

永免黃河夫役碑記 輝邑有百泉乃運河發源之地
山口源頭抵運河交界四十餘里每年修築隄岸挑挖
淤塞舊例額設河夫七十二名續修斗門設閘夫十名
俱屬本邑人民輪流支應並無錢糧亦無隣封協濟故
自康熙元年蒙總河部院朱票提黃河夫役蒙縣主趙
據請詳免蒙准永免黃河夫役留專修衛源立有碑記
載在邑志不意於乾隆十六年陰雨連綿黃河漲溢衝
決陽武縣申家潭隄口需用人夫物料甚急奉河北道
胡准布政司咨巡撫部院札諭陽工浩大夫役不敷應
用又派本邑人夫物料若干行縣派撥本邑士民踴躍
急公俱已照數供用未敢推諉嗣因陽工告竣供應已

輝縣志

卷七

渠田 河夫

三

舉竊恐黃河夫役撥派輝民又成定例閭邑士民某等
具呈河北道憲祈仍照康熙元年舊例專修衛源永免
黃河夫役懇恩轉詳定案蒙批陽工漫溢爲數十年來
僅有之事爾等出夫辦料無悞俱見馴順奉公今大功
已奏合龍從此永慶安瀾不復再煩夫料之供矣無庸
詳免各歸安業可也謹奉憲批但未明示永免黃河
夫役之語合邑紳士某等又再陳重役苦情懇恩准定
例以便遵行一詞內稱去年十一月紳士某等歷叙情
由備錄碑誌叩懇超釋等詞具稟蒙批各歸安業在案
所苦者陽工爲數十年僅有之事衛源百泉乃每歲必
興之工現今別縣人民已各安業而衛源衆工及春將

動誰爲代替輝民偏苦旣不敢白於急工之前又不稟
明於工成之後苦情何以上達爲此公陳偏苦下情叩
祈憲恩矜恤金批定例永留夫役專修衛源永爲定例
敬奉金批士民戴德故將始終備紀爲文勒石以垂不
朽云

輝縣志

卷七

渠田

河夫

三

